

國朝文類

八

國朝文類卷第十五

奏議

諫幸五臺疏元貞二年五月

李元禮

臣聞古人有言曰天下之得失生民之利害社稷之大計惟所見聞而不繫職司者獨宰相得行之諫官得言之今朝廷雖不設諫官監察御史職當言路即諫官也烏可坐視得失而無一言以裨益聖治萬分之一哉伏見三臺初建寺宇土木既興工匠夫役不數萬人附近數路州縣供億煩重男不暇耕女不暇織百物踊貴則民將有不聊生

國朝文類卷十五

者矣又聞太后親臨五臺布施金幣廣資福利其不可行者有五何則時當盛夏禾稼方茂百姓歲計全仰秋成扈從經過千乘萬騎不無蹂躪其不可一也太后春秋已高親勞聖體往復暑途數千里山川險惡不避風日輕冒霧露萬一調養失宜悔將無及其不可二也陛下即位以來遵守祖宗成憲正當兢業持盈之日凡上舉動必書簡冊以貽萬世之則書而不法將焉用之其不可三也夫財不天來皆出於民今朝廷費用百倍昔時而又勞民傷財以奉土木其不可四也佛者本

西方聖人以慈悲方便為教不與物競雖窮天下
珍玩供養不為喜雖無一物為獻亦不為怒今
太后為國家為蒼生崇奉祈福福未獲受而先勞
聖體 聖天子曠定省之禮軫思親之懷其不可
五也伏願中路迴輒端居深宮儉以養德靜以頤
神上以循 先皇后之懿範次以盡
聖天子之孝心下以慰元元之望如此則不待祈
福而福自至矣臣元禮謬當言路不避僭越而惓
惓不已考誠以臣子愛君之心切冀其一悟聖聰
與其受不言之責寧獲敢言之罪天下幸甚

建白二十五事

馬祖常

竊惟古者建立言事之官非徒摘拾百官短長照
刷諸司文案蓋亦拾遺補闕振舉綱維上有關於
社稷下有係乎民人禮文風俗治體所存名爵謚
贈政理斯在教化有方則善惡自別設施有法則
緩急自明重穀則農自勤定制則官自守脩武則
外郵兵嚴試則可勸吏事欲究其本末言似涉於
繁蕪統論難悉條析易陳所有建白一十五件逐
一開具如左伏請聞奏施行

一夫惟天子者上承天地下紹祖宗社稷是寄

黎庶是戴崇高尊大無與比隆奉養當極其精美保愛當極其嚴密大而一飲一食小而一嘔一笑若調攝玉體凝順中和則清明在躬淑善感應欽覩

皇上仁心如堯儉德如禹伏願重以承天地祖宗之鴻業於進御之間當以玉食宜乎榮衛者為先至於酒醴固是穀麥所釀然更乞於進御之際命近侍臣隣思一獻百拜之義則天下生靈不勝幸甚

一郊祀者國之大禮在古所隆欽惟 聖上仁慈

八國朝文類卷十五

三

孝敬廣越百王伏願今後郊祀之日六駕親有事於南郊親裸于太室則天地否則神明降禧薄海內外咸仰聖德太平之福群生幸甚

一大內正衙古之帝王朝百官之地今大明殿是也觀闕盤鬱城雉繚環 祖宗之所御黎庶之所瞻今 聖主謙德彌恭尚居東宮之舊竊慮民物觀聽有所未前伏願賜御大明正衙鎮服華夏統體天地何以言之譬日月星辰順居次舍則萬物被光群生仰明

一百官朝見奏事古有朝儀今國家有天下百

年典章文物悉宜粲然光于前代況欽遇
文明之主如科舉取士吏貲降等之類屢復古
制惟朝儀之典不講而行使後世無所鑒觀則
於國家太平福樂之盛實為闕遺且夫群臣奏
對之際御史執簡史官執筆紳珮玉儼然左
右則雖有懷蒞利之官賞者亦不敢公出諸口
如蒙聞奏命中書省會集文翰衙門官自文議
參酌古今之宜或三日二日一常朝則治道昭
明生民之福也

一古之為治蓋有禮樂非徒事刑法之末也夫
有道之世措置施設悉存禮樂之義欽惟

聖上君德昭然孝慈純備嚮居潛邸招致天下
儒學之臣延納海內知名之士禮樂文物洽乎
聖性故踐位以來進儒術而抑吏道却珍禽而
絕游畋清心寡欲民物豐阜其用儒之效固已
驗矣獨未聞今皇儲左右天下儒學之臣有幾
海內知名之士有幾也伏願憲臺聞奏乞賜依
準治古之法命朝臣集議典制請行皇太子視
學齒胄之禮明示天下教化之本雖道德之躬
仁孝溫文固已篤至然聞見習熟又在薰陶此

實係國家萬世之福卑職先上疏特請選擇師
傅左右之人至今未蒙施行然區區之情實念
及此不勝切至之甚

一 中書省樞密院御史臺三府掾史雖職掌文
書亦日佐大臣決理政務伏請聞奏設立律學
筭學博士命隨朝二品三品正流衙門吏人欲
求轉補三府掾史者就其所業於律學筭學博
士之前應試依科舉差監察御史監試吏禮部
官知舉每一周歲試舉一次則三府有得人之
實下無躁進營求之私試中之人不必限以出

身之高下不中者發下本役考滿不得過從七
品仍預照會施行則立賢無方公道不偏
一 諸道宣慰司除吐蕃南詔兩廣福建外如淮
東浙東荆南山東四道並為無用徒月費俸廩
坐養官吏而已如依準前代制就令一道重鎮
路分總管達魯花赤帶受本道宣慰使等職名
鈐轄數路上不煩朝廷虛設職官人吏下不使
數路官府牽制煩複無益於事

一 諸翼軍官自萬戶下至百戶子弟承襲父兄
之職者合參酌古今之宜設立武舉並須習學

兵法武藝如蒙古色目人只試以武藝如願試
兵法中者陞階漢人兼試兵法武藝中式者方
許承襲如布衣之士願試及中者於各翼或不
叙或戶絕等歇空相應名闕內擢用如此庶使武
備不弛軍政稍嚴保大定功之事為體不輕必
若今日難於更張則四方宣力老將既已病死
承襲驕脆子弟但知酒色裘馬為華好一旦直
欲冒矢石執干戈以犯勍敵不惟本人自取肝
腦塗地從軍將吏死復何辜卑職歷觀前古之
迹其禍患弊病未有不生於太平之世竊慮
及此伏乞施行

一司徒司空皆古三公之流人臣名爵無極此
位比者 聖上踐祚之初沙汰冗濫尤慎此官
近歲屢有雜人等如沈宗攝汪元昌輩亦受司
空司徒切慮天下後世傳為口實非便

一親民之官守令為急然守令者緣係朝廷遷
除之人才或不良心亦知惧而行省所差府州
司縣提控案牘都吏日典史之徒徃徃恃其名
役之細微縱其姦猾舞文弄法操制官長傾詐
庶民蓋此徒出自貼書小吏數十年間轉充是

役卑職頃居田畝嘗聞此等言曰我等身無品級子無廩叙原此初心謂之無賴而今竊弄府州司縣之權剝刻單弱以肥其掣良可憫嘆如蒙聞奏命中書省除各路存留官經歷知事照磨外其餘革去請參酌古制今各州判官僉書州事各縣主簿勾稽本縣文簿實爲官制不紊體統稍均人既有名事自不苟爲係於民不細伏乞施行

一命將守邊國之司命然御將之方當盡其道毫銖一失利害懸絕要先知其艱難勞苦之情

自朝文類卷十五

平居使之順其逸樂略其深文密法而不責其小廉曲謹然後效死也易是爲御將之道夫將不可不擇也擇而用之勿疑不疑則專專則重重則可倚倚之而不效則召而殺之無輕召之理今近歲連召北邊大將似涉輕易古語云臨敵易將非策也竊慮及此伏乞聞奏施行

一漢軍征成嶺海之南歲病而死者十率七八其所屬軍官利在危殆之際必用資財擬指軍人北方本家所有該年畜田產厚息借貸準折還納終致破產不敢有詞夫以世襲軍官蠶食部

下行伍深可哀痛今後如蒙將往嶺海及漳河等數處征戍軍人果有病患除官為看醫外其貧苦闕用之人比及取發封裝以來宜令本處有司約量借放封裝到日撥除還官並不收息或應借貸而不借貸不應借貸而借貸者從本道廉訪司體察究治如此庶不致中原軍戶日感軍官日富

一侍衛親軍根本所係宜令各衛指揮使立時教閱練習武藝極力訓養精銳則萬一應卒得用仍除鎮衛守把外不令與官真作工蓋造役使勞苦幸甚

一太常定謚古今美制欲使姦人知懼於死後善人有勸於生前近歲謚號之稱不公殊甚如今後太常定謚不公宜令監察御史糾彈庶使輿情稍伸國典不曠

一農穀天下之本也四民則以農為次百貨則以穀為首撫布帛之重輕關生民之休戚者穀為急焉而近年工商濫侈游手衆多驅墾畝之業就市井之末蓋為政者失勸農之道焉今後一將各路府州縣達魯花赤專管諸軍奧魯總

管知府知州縣尹專勸農事事既歸一功仍可
就更講究重穀勸農之方畫一開坐行下有司
遵守如民有馬牛驢畜迤相食踐田苗并彼此
爭告田土疆界不實等罪名及民間婚姻債負
拖欠金銀資財許得以毀贖罪準折輕贖之類
果有力田之人縣州勸農官等就於見在錢糧
內撥賞束帛豚酒然後開申不實者許廉訪司
體察如此茲具慰勞行之數年必有成效

建言五事

計約

太祖皇帝登極詔書有曰天下一大業非一

國朝文類卷十五

九

聖一朝所能兼備也切惟官有未備政有未舉正
類後聖補之乃今天下官職咸備治具畢張其所
以輔成先朝之弘規者多矣然於天朝盛典顧尚
有未暇舉行者約以不才猥當言路切有管見五
事伏冀采擇一曰開經筵所以資聖學也二曰立
課官所以隆大業也三曰祀勲臣所以勸有功也
四曰定配享所以明道統也五曰廣薦舉所以求
遺逸也縷陳如左合行具呈御史臺聞奏施行
一曰開經筵夫經筵之設將以講明正學培養
君德所謂經筵侍講與今翰林侍講侍讀名同

而實異自漢唐以來人君聽講經史者多矣
唐穆宗始召韋處厚路隋為侍讀命講詩
書至宋司馬光程頤嘗充是選此即經筵侍讀
崇政殿說書也

世祖皇帝嘗令左丞許衡具六經中有益於政
事者進講一裕皇在東宮時亦嘗令宿客宋衍
日講尚書今一聖上崇尚儒雅厲精求治凡可
以興太平者莫不舉行唯經筵之制未能復古
縱有為之建明者而有司行移翰林令侍講侍
讀就充是職殊不知其職所掌實不同也今莫

自朝 卷一

若於在廷諸臣中擇其學問正六義理精明者
二員俾為經筵講讀官於經史中擇有補於世
道時政者進講不必屑屑於章句但舉其大義
質諸政事明天地性命之理古今治亂之原君
子小人之辨學術邪正之分又選近臣二員領
其事伺一聖上清燕為之引進導達或半月一
講或一月一講仍預令翰林編集一世祖嘉言
聖德與凡政事之弛張賢哲之謀謨人材之進
退財用之出納及命將出師混一區宇遠謀宏
略類為一書如貞觀政要每遇經筵必先令講

讀一二條次及經史其於治道實非小補

二曰立諫官古者天子有爭臣七人諸侯有爭臣五人大夫有爭臣三人其職即漢之諫議大夫與近世左右司諫正言也考之前代并隸中書省古之賢君不惟善納諫又屢賞諫臣導之使諫是以能成至治傳有之賞諫臣者國必興今百司庶府已備獨諫官猶未設誠為曠典伏望於廷臣中選其色溫氣和進止從容明先王之道合乎當今之宜不激切以沽名不矯亢以立異者一員俾為諫議大夫使之開陳治道啓

八國朝文獻卷之三

沃聖心此誠當今要務也孟子云責難於君謂之恭況吾皇聰明仁聖不以為難必能賞諫臣以來天下之善言矣

三曰祀勲臣大禘詩曰實維阿衡實左右商王禘于太祖則知當時功臣與祭故末章明言伊尹也盤庚告羣臣曰茲予大享于先王爾祖其從與享之是知功臣配享實始於殷孔安國曰古者錄功臣配食于廟祭于大烝烝冬祭也謂之大者物成衆多之時其祭於三時為大也孔穎達曰近代以來功臣配食各配其所事之君

周禮司勳凡有功者銘於王之太常祭於大烝此功臣配享之見於經者也故唐以房玄齡高士廉屈突通配食太宗以馬周張行成李勣配食高宗宋以趙普曹彬配食太祖以薛居正潘美石熙載配食太宗其餘各以功臣配此功臣配享之見於史者也欽惟我朝自

太祖皇帝肇起朔方奄有區宇開國元勳皆蒙古大臣表表見於世者甚多今國家除薦新外十月上旬大祭誠合古者冬祭大烝之禮宜以功臣配享不惟不忘舊勳實有以勉厲羣臣雖

古人泰山若礪黃河如帶之意何以過此望令近臣講究太祖以來蒙古大臣各配食於所事列帝之庭是誠一代之盛典傳諸無窮矣四曰定配享自唐祀夫子配以顏子至宋陞孟子與顏子並配然當時未知道統之傳也自伊洛之學興性理之說明始以顏曾思孟並列于夫子之左蓋得夫子之傳者顏曾子思也得曾思之傳者孟子也道統之傳於是得其序矣故江南諸路廟學皆以四子並配以子張居七十二子之首自兩廡升於十哲以補曾子之闕雖

云亡宋之制然綱常名教所係此當因而不當
 革者也今京師廟學與河北諸路府學並循亡
 金之舊左顏右孟與夫子並居南面奚有是理
 哉孟子學於子思子思學於曾子是知孟子乃
 曾子門人之弟子曾子乃孟子師之師也今屈
 曾子於從祀之中降子思於廊廡之末師之師
 不過一籩一豆門人弟子牲牢幣帛一與先聖
 等又豈有是理哉況今天下一家同軌同文豈
 容南北之理各異也或謂學校所以明人倫然
 路點皆父也回參皆子也子先父食於理安乎

國朝文類卷十一

十三

竊以為不然蓋廟學之國家通祀猶朝廷之禮
 也父為庶僚子為宰此各以其德與勲也如遇
 朝會殿庭班列則人雖尊安能超之上哉
 殊不知抑私親而昭公道尊道統以崇正學乃
 所以明人倫也如今在傳道之配使顏曾思孟
 並列於夫子之左虛具右隅以避古者神位之
 方自兩廡升子張於十哲以補曾子之闕不惟
 先儒師弟之禮不廢使南北無二制天下無異
 禮亦可以見我朝明道統得禮之中足以垂世
 無窮矣

五曰舉遺逸天生一世之才足以供一世之用
顧其用之者何如一爾科舉之法實始於隋唐後
世因之而科舉益成庶然科舉與辟舉之法並行
故唐之人才爲盛然房杜裴郭諸公未必盡出
於科目也宋起孫明復於泰山而處之胄監拔
蘇洵於眉山而進之容臺擢程頤於西洛而實
之講筵所以尊尚有德自足以聳動天下而人
才之盛職此之由今罷薦舉獨行科舉之法命
有司以防姦欺設邏卒以檢懷挾功名之士不
拘小節固不以爲嫌彼恬退高蹈之士必不屑
就大抵科目固足以得士亦豈能盡得天下之
賢中人已下之資可以利誘若學際天人道全
體用者安肯決榮辱於二場哉是昧於寸晷哉
當於科目之外別立薦舉之法若學行兼備肥
遯林泉不求聞達不習科目者聽所在保舉待
以不次夫如是不徒有以獎拔恬退而野無遺
賢之美溢於唐虞矣

太廟室次議

劉致

竊以禮莫大於宗廟蓋宗廟者天下國家之本禮
樂刑政之所出也唐虞三

漢晉唐宋靡不由之洪惟

聖元龍興朔陞。聖聖相承積德累功百有餘年。大經大法固已遠。遠唐虞三代而宗廟未有一定之制方。聖天子繼統之初衆正登庸之日定一代不刊之典而爲萬世法程正在今日適茲新廟告成奉遷伊邇其合於禮而宜於今者固當議而行之也。按王制天子七廟三昭三穆與太祖之廟而七。孫毓曰太祖在北左昭右穆。差次而南。賈公彥曰后稷居曰昭處於東穆處於西古者父子不並坐昭穆所以別父子遠近親疎之序而使不亂也。兄弟共爲一世昭皆爲昭穆皆爲穆七世而止。

唐增爲九世十二室。趙宋因之爲十二室。世有定數而室無定數。其室次以西爲上太祖居西夾之東爲第一室。以下各序昭穆次第而東。聖朝取唐宋之制定爲九世。遂以舊廟八室而爲六世。太祖居中爲第一室爲一世。睿宗居西爲第二室爲一世。世祖又西爲第三室爲一世。高宗又西爲第四室爲一世。順宗居太祖之東爲第五室。成宗又東爲第六室。兄弟二室爲一世。

武宗又東為第七室

仁宗又東為第八室以無餘室結綵殿於東壁近南兄弟二室為一世故八室止為六世其制頗與賈公彥后稷居中之制相近而昭穆不分父子並坐不合禮經新廟之制一十五間東西二間為夾室安奉

太祖皇帝為萬世不遷之祖所存十室

太祖既居中則唐宋之制不可依惟當以賈公彥昭穆次序而列之地父為昭子為穆則

睿宗當居太祖之東為昭之第一世

自明之類卷十五

十六

世祖居西為穆之第一世

裕宗居東為昭之第二世兄弟共為一世則

成宗順宗顯宗三室皆當居西為穆之第二世

武宗仁宗二室皆當居東為昭之第三世

英宗居西為穆之第三世昭之后居左穆之后居

右西以左為上東以右為上苟或如此則昭穆分

明秩然有序不違禮經脗合事宜誠一代不刊之

典可為萬世法程也若以舊廟為累朝定依室次

於新廟遷安則顯宗躋順宗之上為東之第一

室居裕宗之下則為西之第五室顯宗之室

定而英宗之室始可議焉蓋顯宗在東則仁宗以下更無餘室顯宗在西則英宗當祔仁宗之下以禮言之春秋閔公無子庶兄僖公代立其子文公遂躋僖公於閔公之上書曰逆祀及定公正其序書曰從祀先公為萬世法然僖公猶是有位之君尚不可居弟之上況未嘗正位者乎若以此言之則成宗宜居上順宗次之顯宗又次之若以國家兄弟長幼言之則顯宗固當居上順宗次之成宗又次之英宗居西祔裕宗之下則元濟男上猶為逆祀而孫居父祖之上可乎國家雖曰以右為尊然古人所尚或左或右初無定制古人右社稷而左宗廟國家宗廟亦居東方蓋謂之所當然也豈有建宗廟之方位既依禮經而宗廟之昭穆反不應禮經者乎且如今之朝賀或祭祀宰相獻官分班而立居西則尚左居東則尚右及行禮就位則西者復尚右東者復尚左矣公私大小燕會亦然但不之察耳致職居博士宗廟禮文之事所宜建明然事大體重宜從使院詳酌行移集議取自

真定王華宮罷遣太常禮樂議 元永真
竊聞天子七廟萬世之通義三代以還莫違茲道
原廟之制隆古未聞漢孝惠從叔孫通之請始詔
有司立原廟遂有衣冠月出游之名其後郡國所
在因各立廟至元帝永平四年貢禹奏郡國祖宗
廟不應古禮宜正定天子是其議罷之謹按尚書
黷於祭祀時為弗欽春秋之義以不祭於支庶君
不祭於臣僕之家伏觀聖朝建立七廟崇奉孝享
可謂至矣而 睿宗皇帝神御別在真定路王華
宮竊惟有功德於天下者莫如

太祖皇帝 世祖皇帝 太祖皇帝不聞有原廟
世祖皇帝神御奉宣大聖壽萬安寺歲時差官以
家人禮祭供不用太常禮樂今王華宮原廟列在
郡國又非龍興降誕之地主者以臣僕之賤供奉
御容非禮之甚伏望聖朝建稽前漢故事致隆太廟
玉華宮照依京師諸寺影堂例止命有司以時祭
供罷遣太常禮樂非獨聖朝得典禮之正而在天
之靈無褻黷之煩而禮官免失禮之責矣

國朝文類卷第十六

表

東昌路賀平宋表

徐世隆

聖人之兵仁而威無遠不服天下之勢離必合有險即平方期四海之會同豈許一江之限隔捷書屢至慶頌交馳欽惟

皇帝陛下至德體元中華開統美化既東西之被兼愛豈南北之分初遣文臣播告方國昭示包荒之量絕無陵弱之心弗圖島夷輒拘使節誘納我叛將盜據我歷城雖就鯨鯢之誅尚遺蜂蠆之毒

國朝文類卷十六

蠢爾三苗之弗率命予群后之徂征一鼓而定荆襄再駕而降鄂岳斬黃面縛江池心歸鐵釜之堅城已摧金陵之王氣何在楚地六千里不勞秦將之增兵錢塘十萬家坐見吳王之納土偽將悉朝於闕下幼君返竄於海中方知恃險而亡應悔求和之晚茲雖天意實出聖籌歷觀往古混一之難未有今日飛渡之易臣其等叨居牧寄喜聽凱音矧曾充載筆之臣尤當述集勳之事駿奔効命正海內一家之時虎拜揚休上 天子萬年之壽

車駕班師賀表

中統元年九月

李治

真定廉宣撫作

臣某等言伏為逆黨悉平車駕迴鑾者黃鉞耀威
果凶徒之一掃翠華旋軫透明詔之載頒率土皆
臣普天同慶伏以周之熙朝而造管叔武庚之役
漢之盛世而行淮南濟北之誅事豈樂為兵非得
已屬者逆屬相煽狂童恣行潛包禍心構成內難
惟聖人必欲去害肆 天子所以有征爰興問罪之
師庸示安民之方靈旗順指醜類畢燼衣暫試於
一戎月連飛於三捷春生秋殺玄化何私天動星
迴鴻鈞自斡宗機置固永字無疆之休日月貞明
足為群目之用此蓋

皇帝陛下運膺千載道貫九皇雄斷電馳廟謨洞
徹既多筭以勝小筭況至仁而伐不仁是宜氛祲
廓清車書混一上統會歸於中統太平今睹於開
平凡在陶甄疇非鼓舞臣某等忝以守官於蕃翰
不獲稱慶於闕庭想迎六尺之輿遙祝萬年之壽

賀平宋表

孟祺

臣伯顏等言國家之業大一統海岳必明主之歸
帝王之兵出萬全變夷敢天威之抗始干戈之爰
及迄文軌之會同區宇一清普天均慶欽惟
皇帝陛下道光五葉統接千齡梯航日出之邦冠

常日支之國際丹崖而述職奄瀚海以爲家獨此
宋邦弗遵聲教謂江湖可以保逆命舟楫可以敵
王師連兵負固踰四十年背德食言難一二計當
聖主飛渡江南之日遣行人乞爲城下之盟逮凱
奏之言還輒姦謀之復肆拘囚我信使忘乾坤再
造之恩招納我叛臣盜漣海二城之地我是以有
六載襄陽之討彼居然無一介行李之來禍既出
于自求怒致聞於斯赫巨肅將禁旅恭行天誅爰
從襄漢之上流復出武陽之故渡藩屏一空於江
表烽煙直接於錢塘尚無度德量力之心乃有殺
使毀書之事屬廟議之親稟謂根本之宜先乃命
阿剌罕取道於獨松蓋文炳進師於海渚臣與阿
朮阿荅海等忝司中樞直指僞都掎角之勢既成
水陸之師並進常州一破列郡傳檄而悉平臨安
爲期諸將連營而畢會彼極窮蹙迭出哀鳴始則
爲稱姪納幣之祈次則有稱藩奉璽之請顧甘言
何益於實事率銳旅直抵其近郊召來用事之大
臣放散思歸之衛士崛起強心在四郊之橫草都無
飛走計窮一片之降藩始堅其宋國主率諸大臣
已於二月初六日望闕拜伏歸附訖所有倉廩府

庫封籍待命外臣志平揚寬大撫戢吏民九衢之市
肆不移一代之繁甚平如故茲惟睿筭卓冠前王視
萬里爲目前運天下於掌上致令臣等獲對明時
歌七德以告成深切龍庭之想上萬年而爲壽更
陳虎拜之詞

進授時曆經曆議表

楊桓

協時正日國政之大端章往考來曆書之明驗一
或失應衆所共瞻豈天運之靡常殆人爲之未密
昔稱作者初匪一家其始也莫不精微未幾則旋
聞踈闊蓋由年拘積弊日括周分不知闡測以考
真率多傳會以求合必欲行於永久詎容失之毫
釐幸當累洽之辰共仰同文之治事加詳覈法貴
變通欽惟

憲天述道仁文義武大光孝皇帝陛下政順陰陽
德齊穹壤燭消息盈虛之理得裁成輔相之宜爰
命文臣若稽乾象晝則考求實晷夜則揆度中星
察氣朔之後先定躔離之朏朏精思密索討本窮
原革前人苟簡之規成盛代不刊之典其爲要旨
具載成書所有授時曆經三卷立成二卷轉神注
式一十三卷曆議三卷已繕寫成二十一冊隨表

上進干冒天威不勝惶懼震越之至謹錄奏聞伏候敕旨

進實錄表

王惲

典謨述堯舜之功令名顯著方冊布文武之政義問宣昭粵自漢隋及夫唐宋咸有信史以貽後來況大業豐功震今耀古惟深善述首議丕揚洪惟世祖皇帝仁孝英明睿謀果斷爰從潛邸有志斯民植根幹而佐理皇綱聘耆德而講明治道始平大理再駕長江過化存神有征無戰迨其龍飛灤水鼎定上都革弊政以惟新擴同仁而一視規模

宏遠朝野清明內則聲建宗祧創設臺省修舉政令登崇俊乂外則整治師徒中嚴邊將布揚威德柔服蠻羌加以聖無不通明靡不燭守之以勤儉朴素養之以慈惠雍和收攬權綱綜覈名實賞罰公而不濫號令出以惟行萬彙連茹群雄入彀削平下土統正中邦慕義嚮風聲教實朔南之暨梯山航海職貢無遐邇之殊方且開學校而勸農桑考制度而興禮樂國號體乾坤之統書畫煥奎壁之文罄所有而疇戰功不待計而救民之聽言擇善明德緩刑斂福錫民遇災知懼得洪範惟皇之

理過周宣修政之勤以致時和歲豐民安吏職蓋
帝德克周於廣運故至公均被以無方可謂文致
太平武定亂略繼一祖四宗之志兼三皇五帝之
功開天立極者三十五年立經陳紀者二萬餘事
以謙讓弗違於備紀故纂修未至於成書欽遇
皇帝陛下寅紹詒謀厲精圖治亟鑒觀於成憲思
通駿於先聲深詔下臣俾爲實錄宅心宗祏凝孝
羹墻開館君而增置官僚敕群司而大紬圖籍編
摩既富搜訪加詳采摭於時政之編參取於起居
之注張皇初臺增未見於罕聞承奉綸音俾蠲繁

而就簡俯殫管見仰體宸衷盡略虛文一存實事
其饗會征伐文物典章繁焉列三代之英蔚爾開
萬世之業與夫才德孝廉之士忠良姦佞之臣版
圖生齒之繁財賦畜牧之盛謹依條據粗致無遺
今具所修成

世祖皇帝實錄二百一十卷事目五十四卷聖訓
六卷凡二百七十卷謹繕寫爲二百七十帙用黃
綾夾複封全隨表上進臣等忝備台司幸膺盛典
顧惟載筆才何有於三長勉進蕪辭慮庶幾於一
得冒瀆 聖聽不勝驚惶

進三朝實錄表

皇朝元等
十月進

程鉅夫

一人御極聿嚴金匱之藏 三后在天實監玉堂
之紀粵若稽古克底成書欽惟

皇帝陛下孝友慈仁溫文睿哲統之垂業之創念
昔繼承功以著德以彰在茲纂錄首崇筆削之任
式宏龜鑑之圖臣等職忝禁林才非良史繫年繫
月豈足盡於先朝作典作謨庶有徵於今日臣等
以所編成

順宗皇帝實錄一卷

成宗皇帝實錄五十六卷事目十卷制詔錄七卷

八國朝文類卷十六

武宗皇帝實錄五十卷事目七卷制詔錄三卷總
計一百三十四卷繕寫已畢謹具進呈

翰林國史院陞從一品謝表 程鉅夫

天開文運治載睹於熙朝地切詞林恩比崇於極
品群情胥悅斯道增華欽惟

皇帝陛下德與日新聖由天縱禮儒臣而加異相
古所無進院秩以示優自今伊始親授銀章之重
益為玉署之榮臣等學愧前修位隆徃代典謨訓
誥敢忘黼黻之勤元首股肱願效賡歌之盛

謝賜禮物表

吳澂

接地風雲際會親逢於明主麗天日月照臨遠及
於老臣賜之以府庫之財衣之以筐篚之幣承恩
過厚揆分何堪俯瀝愚衷仰塵睿聽伏念臣荆揚
賤士樵牧孤蹤幼誦孔氏之遺書無繇見道長值
朝家之興運有幸爲民愧碌碌之謏才乏卓卓之
竒節以言其文章則體格卑陋以言其學行則器
識凡庸自甘晦迹於深山豈覲發身於昭代大鈞
靡不覆燾小物亦預陶鎔惟
成宗法至元首貴立園之隱歷
武宗逮延祐游升館閣之華

先帝擢之禁林

今皇處以經幄講讀古訓對揚耿光誤蒙
上聖之簡知得廁群賢而布列然犬馬餘齒已非少壯
之年而螻蟻微誠莫展驅馳之志外之弗能效勤
勞於郡縣內之弗能裨謀議於廟堂靡廩粟費俸
錢素餐甚矣辱高位速官謗清論凜然因負采薪
之憂遂辭視草之職雖心同葵藿常懸闕庭奈景
迫桑榆宜歸田里未嘗毫釐有補於國況又耄耋
無用於時淵度涵容寵錫優渥茲蓋欽遇
皇帝陛下乾坤博施海宇皆春忍令散材汨沒於

泥塗欲俾寸草沾濡於雨露閔憐周恤固君父惻
隱之仁悃欵控陳乃臣子辭讓之禮倘冒昧而拜
貺實踧踖以懷慙敢致懇祈乞垂矜允收此九重
之大惠全其一介之小廉壹是歡榮等如祇受臣
拙遲畎畝旣難強筋力以輸忠教誨子孫誓當竭
精神而報上所賜鈔定段疋除已嚮闕謝恩外未
敢欽受謹奉表辭謝以聞

進實錄表

至治三年
二月進

袁楠

十年御極聿修四繫之編億載揚休殊之三長之
筆祇成信史上徹宸境洪惟

國朝文獻卷十六

九

仁宗聖文欽孝皇帝仁靜根心溫恭合德詩書造
士闡學制以設科法律爲師嚴官規而限祿誣經
作則稽古鑑今著龜定主鬯之公棧樸藹奉璋之
衆宜登琬琰永祕縑緙欽惟

繼天體道敬文仁武大昭孝皇帝陛下慕切羹牆
令行金石率時昭考撫言行以無遺迪惟前人繼
聖明而有造臣等尊聞傳信竭思纂題閱歷歲年
已深慙於尸素經緯日月期不朽於汗青臣某等
所編成

仁宗皇帝實錄六十卷事目一十七卷制詔錄一

十三卷總計九十卷繕寫已畢用黃羅袱封全護
具進呈

賀登極表

虞集

鴻業啓圖世守肇基之迹龍庭受賀躬膺大歷之
歸欣戴云初謳歌爲盛欽以

世祖紹統乾之運

裕皇隆出震之名推一本之均齊累四朝之繼及
於惟景命監至德之無私粵在

太宗御禎符而有慶天心攸屬國勢以安欽惟

陛下道合彌綸功存綏撫立長式遵於家法計宜

國朝文類卷一六

允協於輿情車服旌旗皆我 祖宗之舊星辰河

嶽赫乎宇宙之新時開泰平人用寧壹臣等叨承

重任適際昌期建皇極以敷言親揚彝訓坐明堂

而布政永贊成能

經筵官進職謝恩表

虞集

聖作稽古知崇效天開筵肆講於前經當宁屢煩
於明詔垂憲萬世一新經緯之文有臣十人並拜
便蕃之賜獨興睿斷創始明時伏惟昔者明王不
以天縱而自聖本之先哲式資道揆以闕人故伏
義則畫於河圖神禹錫疇於洪範允將圖治慎在

不聞蓋帝王傳授之精布乎方冊而古今治亂之迹可以鑑觀爰咨博洽之材用廣聰明之識然守職業者特見諸政事之著惟事啓沃者先端其心術之微故茲曠典之行實重真儒之寄必經書可以發聖賢之蘊必器能可以相禮樂之成必養德之全素蒙孚信必至誠之積可致感通苟非其人

不稱茲選而臣等性本固陋學尤迂踈守其師說之遺僅不忘其章句及轉國人之譯粗可達其性情所謂材有限而道無窮心欲言而口不逮猶重昔人之嘆況乎臣等之愚是故設醴上尊敷匱廣

履既極詢諮於累歲茂聞補報之微功敢謂能自得師坐而進道更錫官聯之重俾專誦說之司雖竊恩榮愈增憂責茲蓋伏遇

皇帝陛下以乾坤之德爲德以堯舜之心爲心無一念不在於民生無一事不遵於祖憲遐方畢服猶虞水旱之爲災群賢在朝尚恐俊良之攸伏必合二帝三王之至盛以登四方萬國之太平下收瓊末於芻蕘俾益涓埃於山海臣等敢不力循古訓各盡微衷非先王之法不敢言冀必由於正雖末世之事不敢避庶有戒於前車尚勸九

稱萬壽

進實錄表

至順元年
五月進

謝端

瑤圖啓運新元會之重熙金匱紬書述先朝之顯
烈素慚載筆今幸成編洪惟

英宗睿聖文孝皇帝德洽堪輿恩覃動植制禮作
樂粲乎宗廟之儀登明選公秩若朝廷之紀四年
無前之盛治兆民至今而永懷惟刪定之公乃可
稱於信史固纂修之久將有俟於明時欽惟

皇帝陛下通駿有聲粵若稽古謂文武之道必方
冊而後傳而堯舜之心在典謨而可舉彰繼述之
善志大揚厲之洪休蓋尊所聞莫匪爾極臣等事
徵四繫學愧三長煥乎文章無能名其爲大寫之
琬琰庶有補於將來臣等所編成

英宗皇帝實錄四十卷事目八卷制誥錄二卷總
計五十卷繕寫已畢謹具進呈

進經世大典表

至順三年
三月進

歐陽玄

堯舜之道載諸典謨文武之政布在方冊道雖形
於上下政無間於精粗特於紀錄之間足見彌綸
之具是以秦漢有掌故之職唐宋有會要之書于
以著當代之設施于以備將來之考索我國家受

命龍朔續休鴻基發政施仁行葦之忠厚世積制
禮作樂關雎之風化日興紀綱具舉於朝廷統會
未歸於簡牘欽惟

欽天統聖至德誠功大文孝皇帝陛下總攬群策
躬親萬幾思 祖宗創業之艱難與天地同功於
經緯必有鋪張以揭皦日必有述作以藏名山爰
命文臣體會要之遺意徧勅官寺發掌故之舊章
倣周禮之六官作 皇朝之大典臣某叨承旨喻
俾綜纂修物有象而事有原質爲本而文爲輔百
數十年之治蹟固大畧之僅存千萬億世之宏規
在鴻儒之繼作謹繕寫 皇朝經世大典八百八
十卷目錄十二卷公牘一卷纂修通議一卷裝潢
成秩隨表以聞伏取進止

國朝文類卷第十六

